

STANDARD FOUR -2018

KISWAHILI

SEHEMU YA KWANZA:

LUGHA

Muda: Saa 1 dakika 40

Soma kifungu kifuatacho. Kina nafasi 1 hadi 15. Kwa kila nafasi umepewa majibu manne. Chagua jibu lifaalo zaidi.

_____ 1 yangu, ambaye ndiye dada wa baba, alipenda kutusimulia _____ 2 tamu. _____ 3 alikuwa mzee sana kuliko mzazi wangu. Labda alizaliwa _____ 4 ya baba kwa sababu baba yangu hajazeeka sana.

Kila _____ 5 shule mimi nilipenda kwenda kwake ili nisipitwe na mambo _____ 6. Lakini kuelekea mwisho _____ 7 mwaka jana yeye _____ 8 ugonjwa _____ 9 unaoletwa na konokono. _____ 10 ni ugonjwa ambaو humfanya mtu kutokwa na damu _____ 11.

Tulipofunga shule _____ 12 mwezi wa _____ 13 mwishoni mwa mwaka, tulisafiri na mama yangu kwa gari letu _____ 14 hadi huko. Nililia kwi kwi kwi nilipoambiwa kuwa alikuwa ameaga _____ 15. Sitaisahau siku hiyo.

- | | | | |
|-----------------|----------------|---------------|---------------|
| 1. A. Shangazi | B. Nyanya | C. Halati | D. Mjomba |
| 2. A. mambo | B. hadidhi | C. stori | D. hadithi |
| 3. A. Yule | B. Mimi | C. Yeye | D. Wewe |
| 4. A. mbele | B. katikati | C. juu | D. nyuma |
| 5. A. tumefunga | B. tulipofunga | C. tufunge | D. tukifungua |
| 6. A. mzuri | B. mazuri | C. nzuri | D. hii |
| 7. A. ya | B. za | C. wa | D. mwa |
| 8. A. aliungua | B. aligojeka | C. aligonjeka | D. aliugua |
| 9. A. mhatari | B. baya | C. hatari | D. ubaya |
| 10. A. Huu | B. Hii | C. Haya | D. Hili |
| 11. A. nyingi | B. mingi | C. wingi | D. kingi |
| 12. A. letu | B. yetu | C. chetu | D. vyetu |
| 13. A. Januari | B. Oktoba | C. Disemba | D. Aprili |
| 14. A. lizuri | B. nzuri | C. mzuri | D. zuri |
| 15. A. dunia | B. safari | C. njia | D. Mungu |

Kuanzia swali la 16 hadi 30, jibu kulingana na maagizo uliyopewa.

16. Chagua jibu sahihi kukamilisha sentensi.
Tembo _____ amewapendeza watalii.
- A. nono B. wanono
 - C. imnono D. wanene
17. Tumia kiashiria sahihi kujaza pengo.
Barabara _____ imewekwa lami.
- A. hili B. hizi
 - C. hii D. huu
18. Kifaa cha kukunia nazi huitwa:-
- A. mbuzi B. seredani
 - C. bilauri D. kinu.
19. Mkulima _____ mimea dawa baada ya kupalilia.
- A. alivuna B. alinyunyizia
 - C. alipanda D. alifyeka
20. Tegua kitendawili kifuatacho.
Nikitoa naongeza.
- A. Mbegu B. Nywele
 - C. Jua D. Shimo
21. Chagua sentensi inayoonyesha nafsi ya tatu.
- A. Wewe hutaadhibiwa.
 - B. Wao wanashindana vyema.
 - C. Sisi tuna ng'ombe watatu.
 - D. Mimi hula kwa pupa.
22. Fumbua fumbo lifuatato.
Jogoo wangu hutaga mayai mawili kila siku. Je, atataga mayai mangapi kwa siku tano?
- A. Kumi B. Matano
 - C. jogoo hatagi D. Jogoo huzaa
23. Mtu hunywa maji ili:-
- A. akate kiu B. akate kamba
 - C. aoshe koo D. akate tamaa.
24. Kanusha sentensi ifuatayo.
Kamba ya mbuzi inakatika.
- A. Kamba ya mbuzi haikukatika.
 - B. Kamba ya mbuzi haitakatika.
 - C. Kamba ya mbuzi haijakatwa.
 - D. Kamba ya mbuzi haikatiki.

25. Kamilisha:

Chausiku ame _____ kata mwenyewe

- A. m B. ji
- C. ni D. tu

26. Mmea wa mhindi huzaa:-

- A. wahindi B. punje
- C. mahindi D. kihindi.

27. Tunasema mawe mangapi na magari _____?

- A. magani B. ligani
- C. gani D. migani


28. Alama [] huitwa:-

- A. kipumuo B. nukta
- C. kiulizi D. kikomo.

29. Kamilisha:

Mjukuu - kitukuu -
A. kilembwe B. kitujuu
C. kisuguu D. mtukuu

30. Chagua umbo la kopa.



Soma kifungu kifuatacho kisha ujibu maswali 31-40.

Swara immojá álikuwa porini akila nyasi bila wasiwasi. Álikuwa ámeamua kujitenga na wenzake ili atafute nyasi nzuri kwa sababu zilikuwa zimekauka. Alipokuwa akiendelea kula, aliona shimo mbele yake na akasimama ili asitumbukie ndani. Kando ya shimo hilo kulikuwa na mti mkubwa. Jambo ambalo swara hakujuwa ni kuwa juu ya mti huo kulikuwa na chui. Chui huyo alikuwa amemwona swara na akafurahi sana.

Swara aliposimama aliona nyasi nzuri upande ule mwingine wa shimo. Chui naye alianza kujiaadaa ili amrukie swara yule na kumfanya kitoweo. Mara huyooo! Chui aliruka lakini kwa bahati mbaya, swara alikuwa asharuka kwenda upande mwingine wa shimo ili azipate nyasi nzuri. Chui alimkosa swara na tumbwi! Alitumbukia ndani ya shimo lile refu na akapotelea ndani.

Swara alishtuka aliposikia sauti ya kuanguka kwa kitu. Alirudi kwenye shimo lile kujua chanzo cha sauti ile. Alipochungulia ndani kwa makini, alimwona chui akihangai. Mara alipiga mbio na kupotelea kichakani kwa hofu kubwa. Chui naye alibaki mle shimonii akipiga kelele za maumivu. Kwa kuwa hakuna mnyama ye yeyote aliyekuwa karibu, chui aliteseka kwa siku kadhaa na mwishowe akafa njaa.

31. Swara alikuwa porini akifanya nini?

- A. Akiwinda.
- B. Akiiba nyasi.
- C. Akitafuta maji.
- D. Akila nyasi.

32. Ili apate nyasi nzuri, swara aliamua:-

- A. kwenda peke yake
- B. kurúka mtini
- C. kula majani
- D. kujiunga na wenzake.

33. Swara alipoona shimo mbele yake:-

- A. alitumbukia ndani
- B. aliruka
- C. alisimama
- D. alitoroka.

34. Kulikuwa na _____ kando ya shimo.

- A. shimo kubwa
- B. chui
- C. nyasi nzuri
- D. mti mkubwa.

35. Mbona chui alifurahi alipomwona swara?

- A. Alijua amepata chakula.
- B. Swara alikuwa rafiki yake.
- C. Swara alimchekesha sana.
- D. Alitaka kujaribu kuruka ndani ya shimo.

36. Chui aliporuka:-

- A. alimkamata swara
- B. alikuifa
- C. alianguka shimonii
- D. alipata nyasi nzuri.

37. Chui na swara ni:-

- A. ndugu
- B. marafiki
- C. wapenzi
- D. maadui.

38. Swara hula nyasi naye chui hula:-

- | | |
|-----------|-----------|
| A. maji | B. nyama |
| C. udongo | D. matawi |

39. Ni kwa nini swara alipiga mbio alipomwona chui ndani ya shimo?

- A. Aliogopa.
- B. Alikuwa na furaha.
- C. Kwenda kutafuta usaidizi wa kumwokoa chui.
- D. Nyasi zilikuwa zimekauka.

40. Mwishowe, chui aliteseka na kufa kwa:-

- A. shimo
- B. njaa
- C. hasira
- D. maumivu.

Soma kifungu kifuatacho kisha ujibu maswali 41-50.

Kuna kazi za aina nyingi nchini Kenya. Zipo kazi kama vile ualimu, urubani na unahodha. Kazi ambayo mimi ningependa kufanya ni ya urubani. Hii ni kazi ya kuendesha ndege za abiria, za kivita au za kubeba mizigo mbalimbali.

Sababu ya kutaka kufanya kazi hii ni kuwa ninapenda kuzitazama na kufurahia ndege zinapopita angani. Nikiona ndege na marafiki zangu, sote huacha kufanya chochote hata kama ni kucheza. Huwa tunapiga kelele na mayowe tukijaribu kuifuata ndege hiyo. Ningependa kujua namna kitu kikubwa na kizito kama hicho kinavyopaa angani bila kuanguka.

Jambo jingine ni kuwa rubani husafiri sehemu nyingi za dunia. Yeye huwasafirisha abiria kutoka nchi moja hadi za mbali. Anapokuwa juu angani huwa anatazama vitu mbalimbali kama milima, mito, misitu, wanyamapori na hata maziwa. Pia, huwa anakutana na watu tofauti kutoka duniani kote. Ningependa kwenda mbali kwa sababu nimekuwa kijijini mwetu tangu nilipozaliwa.

Kazi ya kuendesha ndege pia huwa na mshahara mzuri. Marubani hulipwa pesa nyingi na hivyo huishi maisha mazuri.

Kila siku mwalimu wangu wa Kiswahili huniambia ninaweza kufanya kazi yoyote ninayotaka kama nitafanya bidii katika masomo yangu yote. Kwa hivyo, nimekuwa nikizingatia masomo yote kwa makini ili niweze kutimiza ndoto ya kuingia kwenye ndege. Sitaki tena kushangilia kila ninapoona ndege angani. Nitasoma kwa bidii ili Mungu aniwezeshe kuwa rubani.

- | | | | | | | | | | |
|--|---|--|--|--|---|---|--|--|---|
| 41. Urubani ni kazi ya:-
A. kuchukua ndege
B. kuendesha meli
C. kuendesha ndege
D. kupeleka ndege | 42. Kuna ndege za vita, za mizigo na za:-
A. kupigana
B. kuwabeba abiria
C. kuchezea
D. wanyama. | 43. Ni kazi gani haijatajwa kwenye ufhamu?
A. Uduktari
B. Urubani
C. Unahodha
D. Ualimu | 44. Mwandishi na marafiki zake hufanyaje ndege ikipita angani?
A. Wanacheza zaidi.
B. Wanajificha.
C. Wanakuwa marubani.
D. Wanaacha kila wanachofanya. | 45. Kelele na mayowe ambayo wanapiga huonyesha:-
A. kushtuka
B. huzuni
C. furaha
D. wazimu. | 46. Ni kweli kusema kuwa:-
A. mwandishi hajawahi kupanda ndege
B. ukipenda ndege utakuwa rubani
C. ndege huwa nyepesi ikiwa angani
D. walimu wa Kiswahili huendesha ndege. | 47. Rubani anapokuwa angani huona vitu kama vile:-
A. milima na wadudu
B. hewa na maji
C. maziwa na wanyamapori
D. Mungu na malaika. | 48. Kazi ya kuendesha ndege ina ___ mzuri.
A. faida
B. malipo
C. mshahara
D. pesa | 49. Mtu anaweza kufanya kazi yoyote kama:-
A. atasoma hesabu
B. ataona ndege nyingi
C. atatoka kijijini
D. atafanya bidii masomoni. | 50. Mwandishi anamwomba nani amwezeshe kuwa rubani?
A. Mzazi
B. Rubani
C. Mwalimu wa Kiswahili
D. Mola |
|--|---|--|--|--|---|---|--|--|---|